



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

§. 1. De Cantonibus Helueticis.

urn:nbn:de:hbz:466:1-13167

G E R M A N I A R E C E N T I O R	F R A N C O N I A	FRAN- CONIA	{	Episc. Herbipolitanus: <i>Vvurtzbourg.</i>
		<i>la Fran- conie.</i>		Episc. Bambergensis: <i>Bamberg.</i>
		FE-	{	Hassia: <i>la Hesse Cassel & Marpurg.</i>
		NA.		Veterauia: <i>Vetterau, &c.</i>
RI-	{	Ducatus Saxonix: <i>Saxe Electorale.</i>		
OR.		Marchia Brandeburgensis: <i>la Marche de Brandebourg.</i>		
NA.	{	Thuringia: <i>Thuringe.</i>		
RI-		Archiep. Bremensis: <i>Breme.</i>		
OR.	{	Ducatus Megapolitanus: <i>Mekelbourg.</i>		
NA.		Pomerania: <i>Pomeranie, &c.</i>		
FRAN- CONIA	{	Frisia Orientalis: <i>Frise Orientale.</i>		
<i>Vvestphalie.</i>		Episcop. Monasteriensis: <i>Munster.</i>		
FRAN- CONIA	{	Episc. Paderbornensis: <i>Paderborn,</i>		
<i>Vvestphalie.</i>		& alix ditiones.		

CAPVT IV.

De Heluetiis eorumque sociis, subditis & fœderibus.

§. I. De Cantonibus Heluetiis.

INITIVM fortissimæ huius Reip. datum est à Suiitiis, Vriis & Vnderualdiis, quos reliqui Heluetij voce patriâ populos Syluestres appellant.

SVITII à Cymbris se oriundos putabant.

VRI à Tauriseis originem accersebant suam.

VNDERVALDII se Romanorum exulum reliquias iactabant.

Tres hi Cantones primi libertatem suam fortiter propugnarunt, quam Albertus Austrius Rodolphi filius volebat labefactare, Is enim Heluetiis iratus, & multis filiis providere volens decreverat hîc instituere principatum, ac proinde redemerat multorum Monasteriorum iura in Heluetios, itémque arces, vnde sperabat euertere libertatem; sed huic resistere prædicti pagi, idèò à præfectis arcium durius habiti sunt. Frustra querebantur de rapinis, stupris, vexationibus, hæc enim omnia adnitente Austrio contingebant. Adiungebatur & damno ludibrium, & iussi sunt honorare pileum ex perticâ pro gubernatore: quod eum neglexisset

Tillius quidam Vriensis iussus ex capite filij decutere pomum; sed alteram attulit sagittam, vt si aberraret gubernatorem conficeret. Quod cum factus esset, rapereturque in perpetuum carcerem, mirabiliter euasit, ac paulò post latens inter frutices, gubernatorem iniuriæ auctorem transfuerberauit. Inde conspirauere tres isti pagi anno 1308. quos reprimere dum parat Austrius cæsus est à filio fratris. Demum Leopoldus Alberti filius cum viginti millibus eos inuasit, quem tamen exercitum 1300. Heluetij prædictorum pagorum, prius Sacramentis ritè muniti ceciderunt ad Moregartum pagum. Hinc coaluit fœdus perpetuum inter tres illos pagos anno 1315. Cùm antea tantum esset decennale, dictique voce patriâ *Eydnosen*, hoc est *Sacramenti participes*, exteris autem Suitij *Suiffes* à pago, in quo primùm pro libertate pugnatum est. Libertas iisdem pagis ab Imperatore Ludouico confirmata est in Comitibus Norimbergicis, cuius diploma datum est Papiæ 1329.

LVCERNATES malè accepti ab Austriis, & aliunde vexati à tribus prædictis pagis fœdus admisere anno 1332. Austriis nequicquam primùm aperto Marte, mox insidiis repugnantibus.

TIGVRINI anno 1351. coaluerunt, bello concitato contra Comites Haberspurgios, quibus quoniam fauebant Austrij, iungere se pagis, qui eorum societatem optabant, ob transuectionem mercium.

GLARONENSES sequenti anno 1351. à quatuor pagis superati sunt, qui tamen experti eorum virtutem se Fœderi suo coniungendos duxerunt.

TVGII, apud quos Austriorum præsidium fixum erat quo Suitij & Tigurini infestabantur, deuicti sunt eodem anno 1352. à quinque pagis. Tentarunt quidem omnia pro suis dominis, sed ab iis sprete, aliis se coniungere.

BERNATES sui iuris antequam aliis pagis iungerentur, quibus & auxilium tulere Cantones contra Friburgios, qui dederant se in clientelam Austrio. Postea tamen inuiti bello contra Vnderualdios impliciti sunt, & victores effecti, Legatos ad Cantones miserunt, qui pro iis iudicarunt; tandem aliis vniti anno 1353.

FRIBVRGENSES miserè spoliati ab Austriis per summam fraudem vasis aureis & argenteis sese Bernatibus iungere, postea adscripti fœderi 1481. cum sequentibus.

SOLODVRII varios aliàs experti dominos, item etiam fœdera,

finito bello Burgundico cum prædictis fœderi publico accensitæ sunt 1481.

BASILEENSES, quorum vrbs libera, extra Heluetiam, sæpe fecere fœdus cum iisdem auxiliij causâ. Sed bello exorto inter Maximilianum, & Heluetios, neutri parti fauerunt, quare ab omnibus, excepti conuicio; quâ indignitate permoti sese fœderi Heluetico coniungere 1501.

SCAPHYSIANI, quorum vrbs vendita fuerat Austriis à Ludouico Bauaro; sed tempore Concilij Constantiensis iterum Imperio restituta, quia Federicus Austrius Ioannem XXII. à Concilio abduxisset. Iuuere Heluetios pecuniâ, & militibus; quare inter socios relati sunt cum præfatis anno 1501.

ABBATISCELLENSES sese redemerunt pecuniâ ab iure Abbatis S. Galli, à quo sæpe vexati, fortiter restitere: demum fœderi Heluetico iuncti sunt 1513. quia egregiam nauarant operam Cantonibus, in bellis contra Austrios, Burgundos, & Sueuos.

§. 2. De sociis Heluetiorum.

RHÆTI, seu Grifones inter se fœdere coniuncti, atque etiam cum aliquot pagis, tandem anno 1498. perpetuum fœdus cum omnibus Heluetiis percusserunt, illis in omnibus bellis adfuerunt, & vicissim adiuti sunt ab iisdem.

VALESII multa fœdera variis temporibus cum Heluetiis sanxerunt; sed demum anno 1533. exortis de fide controuersis, Adrianus Sedunensis Episcopus Friburgi cum 7. pagis Catholicis fœdus fecit: quod eò maximè spectat, vt fides Romana facta tecta seruetur.

ABBAS S. GALLI anno 1454. Fœderati nomen accepit in eo publico epulo cui conuiuæ 1500. interfuerunt.

CONSTANTIENSIS EPISCOPVS, cuius ditio in Sueuiâ: is quando nam fœderi accesserit ignoratur.

ROTEVILLA *Rotwil*, in Sueuiâ anno 1519. recepta est vt fœderata, sed quia longiùs distat, ei iniunctum, ne quod bellum suscipiat sine facultate Cantonum.

MVLHYSIVM *Mulhausen*, in Alsatiâ, erat sub Aduocatiâ (vt aiunt) Episcopi Argentoratensis: at bello exorto inter Episcopum & Rodolphum Habespurgium adempta est Episcopo, arx di-